

تورگیا

بویوک ملت مجلسی

ضبط جریده سی

یوز یدنجی اجتماع

۲۳ ایلول ۱۳۳۸ جمعه ایرتسی

مدرجات

— ضبط سابق خلاصه سی

— اوراق وارده

— تدریسات ابتدائیه قرارنامه سنک اون یشنجی ماده سنک تعدیلی حقنده کی لایحه قانونیه تک مذاکره سی

— آماسیه استقلال محکمه سی ایچون انتخاب

برنجی جلسه

برأ مذاکرات

دقیقه ساعت

۱ ۴۵

[رئیس — رئیس ثانی دو قنور عدنان بك افندی]

کاتبلر : ضیا خورشید بك (لازستان) ، عاطف بك (قیصری)

ضبط سابق خبره سی :

رئیس — افندم ! جلسه یی آچوروم . ضبط سابق

خلاصه سی او قونوجق . (ضبط سابق خلاصه سی او قوندی)

علی جنانی بك (غازی عینتاب) — رئیس بك

افندی ! تدریسات ابتدائیه قانونی دکلدر . قرارنامه در ،

قانون موقندر .

رئیس — افندم ! باشقه سوز ایستین وارمی افندم؟

(یوق صدالری) ضبط سابق خلاصه سی تصحیحاً قبول

اولندی .

اوراق وارده :

ریاست جلیله یه

قورتاریلان ولایتلریمزده کی وظائف فوق العاده تک

سریعاً ایفاسنی تأمینه دائر عاجزلریله یتمش قدر رفیقم

طرفندن وریلوب هیئت اجرائیه یه تودیع قیلنان تقریر

اوزرینه اجرا وکیللری هیئتندن مورود ایکی قطعه لایحه

قانونیه تک حواله ایدلدیکی داخلیه ، موازنه ، عدلیه انجمنلرینک هپ برلکده اجتماعی بك مشکل ووقت ضیاعنی موجب اولدیغندن ، بوانجمنلردن اوچر کشی ایریله رق ، مذکور لایحه لرك مذاکره ایدلمسنی تسکلیف ایلم . . .

بورددورمبعوثی

اسماعیل صبیحی صویصالی

صویصالی اسماعیل صبیحی بك (بورددور) —

افندیلر ! کچنلرده عاجزلریله یتمش رفیقکم امضاسنی

حای برتقریر ویرلمشدی . قورتاریلان یرلرده کی وظائف

فوق العاده تک ایفاسنه دائردی . بو هیئت وکیلله یه حواله

ایدلدی . اورادن اخیراً مجلس عالیکزه ایکی قطعه لایحه

قانونیه کلدی . هیئت جلیله کز ، بوایکی لایحه قانونیه یی

موازنه ، داخلیه ، عدلیه انجمنلرینه حواله بو بوردیکنز .

فقط ؛ حواله ایدیلهلی بش ، آلتی کون اولدی . مسئله

مستعجلدر . بوانجمنلرك هپسنی برآرده جمع ایتمک قابل

بوايش عدليه انجمنيله مشترکاً يابلسون . عدليه انجمنى رئيسى امين بك ظن ايدرم ، بر قاچ کوندر ، راحتسزدر . کنديسى بورايه کله مديكى ايجون ، عدليه انجمنى طويلانمدى . عدليه انجمننده کى آرقداشليمز داخليله انجمنيله برلشه جک اولورلرسه ، مسئله درحال حل ايديلور .

رئيس — او حالده افندم ! تيريغنى هرکس آرزو ايديلور . ديمک که ، داخليله انجمنى مسئله يى بيمر مشدر . عدليه انجمنيله برلکده طويلانمق لازم کيلور .

مفيد افندى (قيرشهر) — داخليله انجمنى بيميردى ايسه ، عدليه انجمنه ورسون ! عدليه انجمنى رئيسک خسته اولمسيله انجمن تشکي ايدمهز ، دکل که ... بر آن اول عدليه ورسونلر .

رئيس — افندم ! اونی عرض ايديلورم ، بوکون يارين عدليه انجمنندن چيقار . ذاتاً پاره مسئله سيدر . بسيله مسئله قالمشدر . بازار ايرتمى روزنامه سنه قيشديره بيليرزه . على سرورى افندى (قره حصار شرقى) — افندم ! مشترکاً مذاکره يى داخليله انجمنى قرار لاشدير مشدر . بناءً عليه ؛ غزته يه بر اعلان ورييلور ؛ يارين هرکس طويلانير .

رئيس — افندم ؛ يارين انجمنک اجتماعى تأمين ايدهرز .

ايران باش وکيلي قوام السلطنة ميرزا احمد خان حضرتلرندن مورود بر تبريکننامه يه دائر خارجيه وکالتنک تذکره سى واردر ، او قونه جق :

بويوک ملت مجلسى رياست جليله سنه

ايران سفارت فوق العاده سندن مرسل ۱۹ - ۹ - ۳۸ تاريخلى تذکره ده باش وکيل وخارجيه ناظرى قوام السلطنة ميرزا احمد خان حضرتلرندن وارد اولان بر تلغرافنامه ده قهرمان تورک اردولرينک احراز ايلديکي مظفريات اخيره نك ايرانده فوق العاده موجب مسرت و مسعدت اولديغى وحکومت ايرانيه نك تبريکات و مسرتنک تورکيا بويوک ملت مجلس عاليسته ابلاغه کنديسنک مأمور ايدلديکي بيان ايديله رک ، دولت متبوعه سنک تبريکاتنک تورکيا بويوک ملت مجلس عاليسته عرضى رجا ايدلمکده اولديغى

اوليور . بناءً عليه ؛ تقرير عاجزانم وجهله ، تسبيب بو بوربرسه کز ، هر انجمنندن اوچ کشى طويلانسون ، بونلر بوايشه باقسونلر ! ذاتاً هيئت وکيله ده ، بر آن اول بونک نتيجه ليمسى آرزو ايديلورلر . بو صورتله وقت کچمه دن مسئله نتيجه ليمش اولور . (موافق سسارى)

رئيس — افندم ! مساعده بو بويوک ؛ هيئت وکيله رئيسيه ده ، بو خصوصده هيئت وکيله يه بر تلغراف و بر مشار . بونى تعجيل ايديلورلر .

على سرورى افندى (قره حصار شرقى) — افندم ! اساساً ، هيئت عموميه دن ايکي انجمنه حواله بويورلمشدى .

رئيس — اوچ انجمنه ...

على سرورى افندى (قره حصار شرقى) دوامله — اوچ انجمنه .. موازنه قسمى ذاتا مالى قسمنه باقيلور . بونى داخليله ، عدليه انجمنلرينک تدقيق ايمسى لازم کليلر . انجمن نصاب مذاکره سنک بشر کشى اولمى حسيله ايشلرک ايجندن چيقلمسى قابل دکلدر . اگر ايجلرندن اوچ کشينک اول باول تدقيقات يابمى لازم کيلورسه ، بونک تقديرى انجمنلره عائد اولمق لازم کليلر . شمدى هيئت عموميه ، اوندن نکول ايدرک ، ايکي انجمنندن اوچر کشى تفريق ايدرک ، برقرار اتخاذايتدير مک ، ظن عاجزانديجه ، دوغرى دکلدر .

طونه لى حلمى بك (بولى) — افندم ! بومسئله ده معارف ، صحت مسئله سى وسائر وار ، نافعله واردر ، هر درلوسى واردر . بناءً عليه ؛ علاقه دار اولديغى انجمنلردن هيچ اولمازسه ، اوچر آرقداش اتخاب اولنه رق ، بلکه بوايش حل ايديله بيلير . بوقسه بالکز داخليله ياخود يالکز عدليه — که : عدليه قطعياً علاقه دار دکلدر — انجمنلريته کوندر مکله اولماز . جق بجه ، موازنه مالیه دخى قطعياً علاقه دار دکلدر . اس اساس اوله رق علاقه دار اولان معارف ، داخليله ، نافعله ، صحيه وامثالى در . يعنى بو انجمنلره حواله ايدلميلدر . بناءً عليه ؛ بو انجمنلره حواله ايدک !

داخليله انجمنى مضبطه محررى احمد حلمى بك (قيصرى) — افندم ! داخليله انجمنى اجتماع ايتدى . تدقيقاتى بر درجه يه قدر يابدى . وقراريني ویردى . وديدى که

معروضدر اقدام . ۲۰ ایلول ۱۳۳۸

خارجیه وکالتی وکیلی
دوقتور رضا نور

(چوق تشکر ایدرز صدالری)

رئیس — اقدام ! دیوان ریاستجه مناسب بر جواب
یازارز .

سائر یرلردن مورد تبریکنامه لار وار ؛ کلدکاری
یرلری او قویه لم .

نیکده متصرفلغندن ، بغدادلی بیکیباشی فریدبکدن ،
چیوریل مفتیلکیله اهالی نامه چورباجی زاده محمد علی
بکدن ، مرعش مفتیسی رأفت افندی ایله بلدییه ومدافعه
حقوق رئیسلردن ، بور قضاسی مفتیلکی ایله بلدییه ومدافعه
حقوق رئیسلردن ، چینه موقوفلردن ، مرعش ملل
غیر مسلمه رئیس روحانیلردن .

رئیس — اقدام ؛ مناسب جوابلر یازارز .

ارطغرل مبعوثی مصطفی کمال بکله ، قره حصار مبعوثی
نییل افندینک دشمندن استخلاص ایدیلن مملکتلره معاونت
اجراسنه دائر لایحه قانونیه نک مستعجلاً ، مذا کره سنه
دائر تقریرلری واردر .

نییل افندی (قره حصار صاحب) — تقدیماً . . .
(تقدیماً صدالری)

رئیس — او قویکنز اقدام !

ریاست جلیله

دشمندن استخلاص ایدیلن مملکتلر اهالیسی مسکنلر
بک سفیل بر حالده بولمقدمه اولدقلردن ، بواهالییه معاونت
اجراسی حقنده کی موازنه مالیه انجمنندن ورود ایدن
تکلیف قانونینک بوکون اجرای مذا کره سنی تکلیف ایلم .

ارطغرل مبعوثی

مصطفی کمال

ریاست جلیله

دشمن اشغالندن استخلاص اولنان محلله معاونت
حقنده کی لایحه نک تقدیماً مذا کره سنی تکلیف ایلم .

۲۱ ایلول ۱۳۳۸

قره حصار صاحب

نییل

رئیس — اقدام ! بوکون مذا کره سنی تکلیف
ایدیورلر . ذاتاً مستعجلیت واردر . بردفعه تخصیصات
منضمه مذا کره ایدیلیر .

وهی افندی (قونیه) — اقدام ! عین قرارله
یکن کون تدریسات ابتدائیه نک (۱۵) نجی ماده سنه
باشلامش ؛ اونی بتیرم لم .

رئیس — ذاتاً بوکون دیمک ، بوکونکی روزنامه یه
آلیورز دیمکدر . یوقسه روزنامه ده کی دیگر ماده
ترجیحاً مذا کره ایدیله جک دکلددر . و مجلس عالی آرزو
ایدرسه ، اوزمان برنجی نومروه آنور . یوقسه باشقه درلو ،
قابل دکلددر ظن ایدرم .

اقدام ! شمدی بردفعه بوکونکی روزنامه یه آنسنی
رأی عالیکنزه قویه جقم . بوکون مذا کره ایدلمسنی قبول
ایدنلر لطفاً ال قالدیرسون ! بوکون مذا کره سنی قبول
ایدلمشدر .

کنگری مبعوثی توفیق افندینک خارجدن ادخال
ایدیله جک هر درلو قوشو حیواناتنک رسمدن استثناسی
حقنده کی لایحه قانونیه نک هر شیده تقدیماً مذا کره سنه دائر
تقریری واردر .

(قوشو دکل قوشوم سسلری)

ریاست جلیله

برایکی ولایتده و بابه قبری حیواناتی محوامش ، ممالک
مستخلصه ده کی حیواناتی ده ، ملعون دشمن کوتورمش
اولدیغندن دولای ، قوشو حیواناتنه فوق العاده احتیاج
واردر . خارجدن ادخال اولنه جق قوشو حیواناتنک
رسمدن استثناسی حقنده در دست مذا کره بولنان لایحه .
نک هر شیده تقدیماً مذا کره سنی عرض و تکلیف ایلم .
کنگری مبعوثی

توفیق

(قوشوم حیوانلری سسلری)

رئیس — اقدام ! رجا ایدرم اوراده نه یازیلی ایسه
کاتب افندی اونی او قور . (قوشوم دکل سسلری)
مساعده ایدک . قوشوم حیواناتی یازلماش . قوشویازیش
طبیعی افاده دن آکلاشیدور که قوشوم حیواناتیدر . اقدام
رأی عالیکنزه عرض ایدیورم .

خفیه طائد برقریری وار . مجلس عالیگزہ عرض ایتمک ایچون ، سامعین صالونی لطفاً تخلیه ایتمسون .

ختم جلسه
دقیقه ساعت
۲

ایکنجی و اوچنجی جلسہ لار خفیدر

دردنجی جلسه

برائذاکرات

دقیقه ساعت
۲۰ ۴

[رئیس — برنجی رئیس وکیلی وھی افندی حضرتلری]
کاتبلر: حق بک (وان) ، عاطف بک (قیصری)
تدریسات ابتدائیہ قرارنامہ سنک اوندہ بشنجی مادہ سنک
تعریلی مقننہ کی لایحه قانونیہ نیک مذاکرہ سی :

رئیس — افندم ! جلسہ یی آچوروم . معلوم عالیگز
تدریسات ابتدائیہ قرارنامہ سنک اون بشنجی مادہ سنک
تعدیلنه دائر بر لایحه قانونیہ واردی . کچن اجتماعده
مذاکرہ سنہ باشلامشوق . بو کونده بونک مذاکرہ سنہ
دوام ایده جکزر .

معارف وکیلی وھی بک (قرہ سی) — رئیس بک !
سوز بنمدر . مساعده بویوریکزر . افندم ! تدریسات ابتدائیہ
قرارنامہ سنک اون بشنجی مادہ معدله سنی تعدیلاً قلمه
آنسان مادہ لر علیهنده بر چوق آرقداشسلر بیاناتده
بولندی . بندہ کز اونلره جواب ویرمه دن اول اصول
حقنده معروضاتده بولنه جقم . شمندی بو مصارف مجبوره
ایله اداره ایلمکده اولان ایکی بییک کسور ذکور
ابتدائیسی و اوچ ووز یکریمی درت قیز ابتدائیسی ، اوتوز
بر آنا مکتبی واردر . بر بوقدر مکتبده ، حمد اولسون ،
بودفعه یونانیسلردن قورتاریلان مملکتلرده واردر .
بناءً علیہ ؛ اول امرده مملکت مزده موجودیش بییک
مکتبیک قارشولنی بولندقدن صکره بومادہ نیک موضوع
بحث ایلمسی ایجاب ایدر . کرک ؛ هیئت جلیله نیک بیاناتدن
و کرک خصوصی تاسمدن آکلاشیلیورکه بومادہ نیک برشکل
ساله افرانجی لازمدر . بوايسه بوراده اوله میه جقدر .

مصطفی کمال بک (ارطغرل) — افندم ؛ قوشومی
قوشومی ؟ قریر صاحبی ایضاح ایتمسون .

حاجی توفیق افندی (کنگری) — افندم ؛ بز
الحمد لله ہمیز تورکزر . قوشو ، قوشوم ، قوشمق مادہ لرینی
بک اعلا بیلیورز . معلوم طالیلری اولدینی وجهله ،
مملکت مزده ، بوتون چفت حیواناتی ، قوشو حیواناتی
تلف اولدی .

حسین عونى بک (ارضروم) — بوتون دکل ،
بر آز .

حاجی توفیق افندی (کنگری) (دوامله) —
اکثریت ایچون حکم کل واردر . ممالک مستخلصده
خان دشمن حتی طاوقاره وارنجیه قدر کوتوردی .
چفت حیواناتی ، قوشو حیواناتی ینہ قلمادی . شمندی
بونلری هر حالده خارجدن جلب ایتمک و داخلندنده دامیزلاق
حیواناتی خارجہ چیقار تمامق و بونک ایچون بر چوق تداییر اتخاذا
ایتمک لازمدر . خارج ایچون بر مثلی ده کرک ویرورسه بز
مملکت مزک اقتصاداتی متأراوله حق ؛ رنجیرلر کتیره میه جک
بونک ایچنده آتله ، او کوزلر ، نه ایله چفت سور بیورلر سه
هیبی داخلدر . حق او برلری ده داخلدر . مساعده کزی
استرحام ایدیوروم . بر تقریر ویرلمشدی ، انجمنه حواله
ایلدی ، انجمندن کلدی . بونی مسسته مجلاً مذاکره
ایدکده ، دها زمانی کچمه دن ، چفت زمانی کچمه دن بونلر
بر آن اول تدارک ایدیله بیلسین .

رئیس — افندم ! قریر صاحبی ده ، تقریرینی ایضاح ایتمدی .
بو مسئله نیک بو کونکی روزنامه یه آلمسنی رأی عالیگزہ
وضع ایدیوروم . بو کونکی روزنامه یه آلمسنی
قبول ایدنلر لطفاً اللرینی قالدیرسونلر ! قبول ایلمدی .
افندم ! آماسیه استقلال محکمه سنہ بر رئیس و بر
مدعی عمومی اتخاب ایده جکزر . معلوم عالیگز ، استعفا
ایتمشردی . اونک اتخابی یاپه جفزا فندم .

حسین عونى بک (ارضروم) — افندم ؛ بو مسئله
حریدن اول ایدی . بو مسئله ، حل اولندی . اولا
آکلاشلم . اوندن صکره ایکنجی جلسہ ده اتخابات یاپارز .
رئیس — او حالده ایکنجی جلسہ یه براقلم .

افندم ! آرقداشلیزیمک اون بش امضالی جلسه

قوانین مالیه و موازنه مالیه انجمنلری هانگی ویرکولره
ضم ایدیله بیلور و بونک امکافی وارمیدر؟ یوقیدر . بونلری
تدقیق ایتمسی ایجاب ایدر. مساعده بویوریرسه کز، بوقوانین
مالیه و موازنه مالیه انجمنلرینه تودیغ ایدیلسون و معارف
حصه اعانه سی حقتده بر ماده واردر . اونکله مشترکاً
مذاکره اولنسون . بنده کز بونی رجا ایدیورم .
وهی افندی (قونیه) — تقریرلره برابر کیسون!
نیل افندی (قره حصار صاحب) — وهی بک
افندی ! بومدت ظرفنده طرح و توزیع اولنالرک تحصیلنه
دوام اولنه جقمیدر ؟

معارف و کیلی وهی بک — افندم ! عرض ایتم .
ا کر؟ بوکا طوقونه جق اولورسه کز، بش بیک مکتب
قایانه جقدر . ا کر، بونی رد ایدیه جکسه کز، باشقه بر قار شولق
بولورسکز . شورادن شونی آله جقسکز دیرسکز بر شیئی بیقار .
سکز ، فقط یرینه بر یکبسنی قورسکز . ییقمق قولایدر ،
فقط؛ یرینه قویمق بر آزمشکلده . اونک ایچون بنده کردییورم که
سالم بر اصول بولنسون . یرینه قونلسون . علی الرأس والعین بزم و
بوتون مملکتک ایسته دیکی ده بودر . بناء علیه ؛ حکومت نامنه
وبالخاصه مجلسمکز اصول مذاکره سی نامنه رجا ایدیورم .
بر کره قوانین مالیه و موازنه مالیه انجمنلرینه حواله
ایدیلسون ، اساساً بو انجمنلرک کورمسی ایجاب ایدر ،
بو انجمنلرده تدقیق ایدلسون ، کلسون !

مصطفی کمال بک (ارطغرل) — تکالیف مجبوره
حقتده کی ماده قانونیه الفسا ایدلمدکه بوقوانین مالیه
و موازنه مالیه انجمنلرینه کیتمز . اولاً ، مجلس بوماده
قانونیه یی رد ایدر . اوندن صکره انجمنلره کیدر .
معارف و کیلی وهی بک — هانگی ماده یی رد
ایدر ؟

مصطفی کمال بک (ارطغرل) — اون بشنجی ماده یی!
معارف و کیلی وهی بک — اون بشنجی ماده یی رد
ایده مزسکز . چونکه ؛ موقع اجرا ده در . اول امرده
یرینه بر اصول قویه جقسکز . مجلس عالی بومظفریتدن
صکره دییه بیلیمی ، که بومملکتده ابتدائی مکتبی
یوقدر؟ . بوکون ایچون ، بومکتبلر بونکله اداره اولنیور
ایستایستقلری کوستیریم .

رشید آغا (ملاطیه) — زاندوبی لزوم اولان محاسبه
خصوصیه مدیرتلرخی الفایقه کز و بونلرک پاره سی
معلملره ویرسه کزدها ایی اولمازمی ؟

معارف و کیلی وهی بک (قره سی) — بوبنده کزه وارد
برسؤال دکل . اداره خصوصیه ولایاته عائد بر مسئله در .
مجلس عالی نواحی قانونتی چیقارمدقچه و مملکتتمکز نومه سی
میدانه کتیرمدکجه بومملکتده اداره یاپامازسکز .

مصطفی افندی (آقره) — بو اون بشنجی ماده
شو قرارنامه ک اون بشنجی ماده سی تطبیق اولنمازدن اول
شمدی یه قدر بومکتبلر نه ایله اداره اولنیوردی ؟ حالبوکه
شوصوک ایکی سنه ظرفنده ملت بوقدر تفصیقه معروض قالدی .

معارف و کیلی وهی بک — عرض ایدیم افندم ،
بو قرارنامه بوحوالده ایکی سنه در تطبیق ایدیلور . بو
قرارنامه ک تاریخ ۳۲۹ در و بزم مملکتتمزده ایسه
۳۲۹ دن بری تطبیق ایدلمکده در . بونک معارف حصه

اعانه سی واردی بیلورسکز و برده قومیدسیونلر وارداتی
واردی . قسماً بونکله اداره ایدیورلردی . فقط افندیلر!
اوزمان مکتبلر بوقدر دکلدی . هر کویده مکتب یوق ایدی
یالکز لوا مرکز لرنده ، قضا مرکز لرنده و ارایدی .

ومعلم آزدی ، طرزعتیقه ایدی . معاشانه ضم یوقدی .
بناء علیه اوپاره کافی کیوردی . حالبوکه ، بوکون بونلری
بوراده تدقیق ایلمک اوزون سورمه جک ونصل اولسه بونلر
انجمنلره کیده جکی ایچون ، بنده کز تصدیق ایتمک

ایسته مدم . بناء علیه ؛ رقلر اوزرنده تدقیقات یابله یی
زمان ، انجمنلر واقف اوله جق ، که اداره خصوصیه
وارداتی صرف معارفه حصر ایدلیدیکی حالده — اکر
دارالمعلمینلر ، دارالمعلماتلر عمومی بودجه یه آلمانسه —

بوکونکی موجود اولان مکتبلره غیر کافی کله جکدر .
(کورولتیلر) اقدم المزده کی رقلر بلکه یالان سوبیلور .
کافی گیه جکدر . بناء علیه ؛ نه وقت بودارالمعلمین ،
ودارالمعلماتلر واعدادیلر عمومی بودجه یه آلتیرسه ، اووقت

بونلر اداره ایدیله بیلیر . وهمده بوکون برچوق حقسزلقلر واردر .
مثلاجورومده محاسبه خصوصیه ک بر اعدادیسی واردر .
ندارالمعلمین ونده سلطانی واردر . حالبوکه یانی باشنده

یوزغادده هم سلطانی واردر و همده دارالمعلمین واردر .
 بولردن بریسی بوملکته فضله نه یا مشدر، که اوکا بوحق
 فضله ویرلمشدر ؟ دیگرینه ویرلمه مشدر . بنده کزجه
 بولرتأمین ایدلمدکجه وعمومی برتسویه یالمدتجه بولرک
 هیچ بریسنگ ایچندن چیقلمق امکانی یوقدر . بناء علیه
 اول امرده رقم راوزرنده حقیقی وضیعی کورمک ایچون
 انجمن بودجه لرده کی موضوع تمتع وسائر ویرکولر اوزرنده
 تدقیقاتده بولنور، حالبوکه بنده کزه کوره تمتعات ویرکوسندن
 برشی آله ماز، اعشار ویرکوسندن ده برشی آله ماز .
 بنده کزک قناعتجه بواعشار ویرکوسی دائما آلنیر برشی
 دکلدر . هانکیلردن آله بیلیر ؟ هانکیلردن آله ماز ؟
 ونه نسبتده ونه اوزرندن آلنیر ؟ کویلر اوزرنده ، قصبه لر
 اوزرنده تدقیقات یاپار . و صکره بوکونه قدر حرب
 دولایسیله موازنه عمومیه معارفه پاره ویره میور، حالبوکه
 تالی مکتبلر مثلاً دارالمعلمینلر عرض ایتدیکم کی مصرفلری
 اولردن آله بیلیر . اولردن آله حق پاره لر محللرینه ترک
 ایدیله بیلیر . آله بر رقم قالیرسه ، بونه صورتله توزیع
 اولنه جقدر ؟ بولری تدقیق اتمک اوزره ، قوانین مالیه
 و موازنه مالیه انجمنلری بوجهتی دوشونور و نتیجه سنی
 مجلس عالی یه عرض ایدر .

حاجی مصطفی افندی (آقره) — اورایه کیتمک هیچ
 بر نتیجه ویرمز . رجا ایدرم .

حاجی بکر افندی (قونیه) — بک افندی ! ایکی
 بیت مکتب وار . بووردیکز . بر مکتب نه ایله اداره
 اولنور . ؟

وهی بک (معارف وکیلی) — مکتبه کوره
 افندم ؟

حاجی بکر افندی (قونیه) — کوی مکتبنده بر معلم
 و برده بواب واردر . حتی بعض یلرده بواب بیله یوقدر .
 رجا ایدرم ، بوکون محاسبه خصوصیه نك اوج میلیون
 لیراسی وار .

وهی بک (معارف وکیلی) — یوقدر افندم ! رجا
 ایدرم ، بودجه بوراده در . تدقیق ایدیکز .

حاجی بکر افندی (قونیه) — اداره خصوصیه نك

عمومنی عرض ایدیورم . تدریسات ابتدائیه ایچون
 بالکز برقونیه ولایتندن یوزیک لیرا آلنور . اوج میلیون
 لیرا تدریسات ابتدائیه ، اوج میلیون لیراده اداره خصوصیه که
 التی میلیون لیرا اولیور . بناء علیه ؛ ایچی بیک مکتب
 بر میلیون لیرا ایله اداره اولنور . متباقی بش میلیون لیراسی
 زرهه کیدیور ؟

وهی بک (معارف وکیلی) — ایشته افندم ، طبع
 ایدلمش واردات بودجه سیدر . بونده معارف حصه اعانه سی
 اوله رق اعشاردن ایچی میلیون لیرا کوسترلمدکه در .
 بویکی میلیون ایچر وسنده دارالمعلمینلر ، دارالمعلماتلر
 (کورولتیلر) مساعده بو یوریکز افندم ! بنده کزده ایضاح
 ایدم : دارالمعلمینلر ، دارالمعلماتلر ، اعدادیلر مصارفی
 آله کی قانون موجبجه کافه سی بوندن ویریله جکدر . بونکله
 برابر معارفک مصارف سائره سی وار . معارف مدیر و کاتبلری
 واردر . و بومصارفلر ویرلدکن صکره پاره آرتارسه ،
 مکتبه یاردم ایده جکدر . آله بولنان قانون موجبجه .
 حاجی بکر افندی (قونیه) — دارالمعلمینلر ،
 دارالمعلماتلر

رئیس — رجا ایدرم . حاجی بکر افندی بویله محاوره
 اولورسه ، مذاکره دن برشی چیقماز . بو یوردقلری
 اصول مذاکره طأند برشی ایدی . حالبوکه ؛ برچوق
 سؤالر صوریلدیور . اکر ؛ اساس مذاکره ایدیله جکسه ،
 هرکس سوز آلمشدر . وهیکزهده سوز ویررز . حکومتک
 بر تکلیفی واردر . دیورکه بونی قوانین مالیه و موازنه
 مالیه انجمنلرینه حواله ایدم . اکر ؛ بوقبول ایدیله جک
 اولورسه ، اوندن صکره سوزلر اساسه طأند اولیور .
 مفید افندی (قیرشهر) — رئیس بک افندی ؛ تکلیفک

علیه بنده سوز سویلیه جکم . مساعده بو یورک ! افندم وکیل
 بک افندی بو یوردیلرکه آله بولنان شو تکلیفندن
 آکلادم که ۱۵ نجی ماده یی لغو ایدمه جکسکز ، بوماده لغو
 ایدلیکی تقدیرده مکتبلر قاپانه جقدر . بناء علیه ؛ بو
 تکلیفی انجمنه کوندره لمده هانکی ویرکولره ضم
 اولنه جق ، هانکی ویرکولره ضم اولنیه جق . بوکا دائر
 بر ماده قانونیه یاپلسونده کلسون ؛ بونک لغوی

حقنده مجلس هالنيك بر قرارى يوق ، كه بونى اورايه
 كوندرلم . بناء عليه ؛ اولاً لغو ايديله جكمى ؟
 ايديله جكمى ؛ لغو اولنورسه نصل اوله جق ؟ لغو ايديلمدىكى
 تقديرده نصل اوله جقدر ؟ اول امرده بونلر تامين ايتملى ده
 اوندن صكره بوقوانين ماليه يده كيدر ، موازنه يده كيدر .
 فقط ؛ بوميشله حل اولنمدهن و كپل بك بونى قوانين ماليه يه
 آلوب كوتوره جكدر . و كپل بك هم ده بوويركو تحصيل
 اولنه جقدر ديور . بنده كزده كنديسنه صورارم : قرار-
 نامه شكندمه اولان ، قانون ماهيتنده اوليان بر مسئله ده
 ويركو تحصيل اولنه بيليرمى ؟ قرارنامه لرله ويركو تحصيل
 نصل اولور ؟ هانكى قانون اساسى ايله تامين ايدلمشدر ؟
 اورته ده بويله بر قانون يوقدر . بو بر قرارنامه در . بناء عليه ؛
 بو قرارنامه قانون اولمادىنى ايجون ؛ بز بوراده باشقبر
 اساس حاضر لايه لم . اوندن صكره قوانين ماليه يده كيتسين .
 موازنه ماليه يده كيتسين .

على جنانى بك (غازى عيتاب) — افنديلر ! اساس
 حقنده سوزيمى محفوظ طوتيورم . موازنه ماليه وقوانين
 ماليه انجمنته كيدمه جك دينور . بو تكليف اساساً ساليانه
 اصولنده برور كودر . ممالك متمنده بونوع ويركولر
 قالديرلمشدر . بوكون ساليانه اصولنده كى ويركو قالقالى
 سكسان سنه اوليور . سكسان سنه اول قالقان بروركو
 حقنده موازنه ماليه وقوانين ماليه انجمنلر نه ديهه جك ؟
 بوراده بونى مذاكره ايدوب بر اساس قوردقندن صكره
 كوندرلمليدر . تعيين ماهيتى ايجون ، كوندرلمليدر ، يوقسه ،
 اساس اعتباريله ، رد ويا اقباسى قرارلاشديرلمدهن انجمنه
 كيدمه جك اولورسه ، دوغرو اولماز . اساسى مذاكره
 ايتك لزومنه قانعم بنده كز .

وهي بك (معارف وكيلى) — افندم ! خواجه
 افندى هر حالده چوق بويوك ذهولده بولنديلر .
 مفيد افندى (قير شهر) — على جنانى بك ده
 مشترك ...

وهي بك (دوامله) — قرارنامه تطبيق ايديله -
 بيليرمى ؟ ايديله مزيمى ؟ بو مملكتك اك آغير يوكى اولان
 اعشار ويركوسى نظامنامه در . صكره بوكون آلديقكز

ويركولرك چوغى قرارنامه ايله در . مجلس هالنيكز دن دكل ،
 استانبول مجلسندن دخى كچمه مشدر . حق تمتع ويركوسى
 بيله قرارنامه طرزنده كيتمكده در . مجلس ويرديكى بر
 قرارله استانبولك نشر ايتديكى بوتون قرارنامه لرى - كه
 بيكلر جه در - هپسنى قبول ايتمشدر . حقى قان ويركوسى
 اولان مكلفيت عسكريه ويركوسى دخى قرارنامه در .
 بوكون قرارنامه طرزنده تطبيق ايدلمكده در . ردايدلمدكجه ،
 الغا ايدلمدكجه تطبيق ايديله جكدر . بيليورسكز ، كه : دونه قدر
 بر قرارنامه بورومكده ايدى . مجلس الغا ايتدى . قرارنامه نك
 اساسندن بحث بوورديلر . ساليانه اصوليدر ، دكلدر ،
 ويركولر اصولنه موافقدر ، دكلدر . بنده كز بونى موضوع
 بحث ايتيورم .

ياسين بك (غازى عيتاب) — ايشكزه كليور !
 وهي بك (معارف وكيلى) — بنم ايشمه دكل ،
 مملكتك حسابنه كليور . يعنى بنده كزك كندى شخصمه
 واردات تامين ايديليور كييمى تلقى ايديليورسكز ؟ اكر
 بويله تلقى ايديليورسه كز بو تلقيكزى كرى آما كزى رجا
 ايدرم . بويله برشى وارد دكلدر .
 رئيس — رجا ايدرم افندم ! بويله شى اولماز . بو
 وارد دكلدر .

معارف وكيلى وهي بك (دوامله) — مملكتنده
 مؤسس برشى وار . تدريسات ابتدائيه مصارف مجبوره سى
 بوونكله اداره ايدلمكده اولان مكتبلر ، كه : ايبي بيك
 كسوردز . بيكى اچيلان يرلرده ده يوقدر . دها مكتب
 وارد . اكر بو بوكون بو ماده رد ايديله جك اولورسه ،
 بو مكتبلر قاپانه جقدر . بناء عليه ؛ بونك يولسزلفنه ؛
 اصولسزلفنه قانع اوليورسه كز ، هر هانكه بر شكله
 صووق ايجون بونى ده مجلس على مذاكره ايدم بيلمك
 ايجون موازنه وقوانين ماليه انجمنلر نه كيتسى لازمدر .
 بو ، بزم نظامنامه داخليمزك مقتضاسيدر . ادرالردن
 كچدكدن صكره اوزمان ايستر رد ايديكز وايستره كز ،
 باشقه برشكل بولورسكز . بولنه مازسه ، طيبي قوانين
 ماليه برشى ديهه جك . بولورسه بولديغنى بورايه مستهجل
 كوندره جك . بنده كز بونك يرينه اون ، اونيش كون

ظرفده بر شيك قونيلاجنى ظن ايدىيورم . رد ايدلسنده كي معنایده آكلاميورم .

بسم بك (قسطنیونی) — بورد ايدليبرسه ، اون بشنجي ماده وار افندم .

وهي بك (معارف وكيلى) — اوت ! اويله . بورد ايدليبرسه ، اون بشنجي ماده باقى قاله جقدر . دهافنا اولور .

دوقتور توفيق رشدي بك (منتشا) — افندم ! اصول مذاكره دن ايكي وضعيت تولد ايتدى . برى مفيد افندى

حضرتلرينك بيانانى اوزرينه وهي بكك عرض ايتديكي نقطه در . ديكرى مسئله مستأخره در ، كه : مجلسي بونكله چوق

مشكل وضعيتده براقديلر . مجلسلرك اكل بويوك قوتى بودجه در . مجلسلرك قرارينه اقتران ايتمين قانونلر

تطبيق ايديله من . قابل دكلدر . ايدليكي تقديرده ، مجلسلرك حكمي قلاماش ديمكدر . حقيقه اعشار نظامنامه سى ،

حتى املاك نظامنامه سى ، ناسلطان محمود دورندن كلن ، ۱۲۰۰ دن برى كلن نظامنامه در . چونكه ؛ او وقت

وبركو آلمق حتى اووقت ملتده دكل ، او ملك باشنده بولنان برتك آدمك النده ايدى . او آدمك اراده سنه ،

نظامنامه ، رينه كوره قانون ديرلردى . بناء عليه ؛ حقوقك ملكه كچديكي شو زمانده حقيقه مجلسك قرارينه اقتران

ايتمين بر ماده مستنداً حكومتلر پاره آله مازلر و پاره صرف ايدمهزلر . حرب عموميده قرارنامه ايله آنان ويركولرده

مجلسك حقوقه قارشى ارتكاب ايدلش بر قباحتدر . و اميد ايدرزه ، كه : بويوك ملت مجلسي زماننده ؛ كچن

كونلردن زياده ملكه حاكيتي تجلي ايتشدر . آرتق بونلره نهايت ويرلمليدر و نهايت ويرلديكي كوندر ، كه : حقيقه

ملت مجلسك حاكيتي تجلي ايدر . اصل مسئله كه : حقيقه : معارف وكيلى بكك تلاش ايتمه حتى واردر و بوتون

تلاشى ده معارفه قارشى اولان محبتى كوسترييور ، در عهده ايتديكي وظيفه عشقنى كوسترييور . فقط كرك بوتكليف ،

كرك مقابل اعتراضلر مسئله يي حل ايدمه جك دكلدر . هر كون كوربيورزه ، كه : مكاتب ابتدايه مسئله سى موضوع بحث

اولديني كچي ، دارالمعلمين و دارالمعلمات مسائلى ده موضوع بحث اوليور . المзде بر قانون وار . بو قانون

اداره خصوصيه عاندر دنييلور . بناء عليه ؛ بوقانونده ايسه مكاتب ابتدايه ذكر ايدلييور ، بوندن آكلاشلييور ، كه :

حل ايديله جك مسئله معارف سياستمزددر . مكاتب تاليه و عاليه يي دولت ، عمومى بودجه سنه قبول ايتدى . مكاتب

ابتدائيه يي ده خلقه ويردى و عمومى بودجه سنه ده قويدى . بوندن صكره فضله مكاتب آچمه و اونك مقابللر يي تأمين

ايتمه كچاره لر بولنه بيلير . تكرار اورايه كلييورم ، حكومت طرفندن تكليف اولنان ماده رد اولنورسه ، مسئله

قطعياً حل اولنش دكلدر . ابتدا معارف سياستى حل اولمليدر ، بو حل ايدلمكجه و معارفه عاندر قانونلر مزده

موجود كشمكش دوام ايتدكجه و بوكا بر طرفندن ده پاره صقيتسى ده انضمام ايتدكجه ده بر چوق دردلر يئزى

يازه جفز . فقط مكاتبلر قاپانمده دوام ايدمه جكلدر . رئيس — افندم ! مسئله يي بردفعه ده ايصاح

ايتك ايتسيورم . شمدي مذاكره ايتش اولديفكز مسئله معارف وكيلى بك افنديك بحث ايتدكلرى مسئله ،

بر مسئله مستأخره در . بوقسه ، اصل بوماده نك الغاسنه و يا بوماده نك تفسيرينه دائر اولان قانونك هيئت عموميه . سنك مذاكره سى دكلدر . اكر او ايسه سوز آنان

آرقداشلر باشقهدر . مسئله ، بوراده يالكز قوانين ماليه انجمنته حواله اولنوب اولمامسى مسئله سيدر . مفيد

افندى حضرتلرينك بويوردقلرى كچي ، بومذاكره اولنه بيلير و يا خود اولنه ماز . تكرار عرض ايدىيورم .

ياسين بك (غازى عيئاب) — رئيس بك ! بنده سوزم وار .

رئيس — او حالده بلكه يكز ! صره كز كلديكي زمان سويلرسكز .

على جنانى بك (غازى عيئاب) — افندم ! بنده كر وهي بك افنديك مفيد افندى حضرتلرينه ويرديكي

جوابه نظراً ، بر قاچ نقطه اوزرينه ، كنديلرينك نظر دقلر يي جلب ايدمه جكم . بزم قانونلر مز ايجر وسنده نظامنامه ايله ،

قرارنامه ايله ، حتى تعليماتنامه اسملرى تصريح اولنش ، بر طاقم تفرعات ايله توزيع اولنش ، و پر كولر واردر . فقط ؛ بونلر

حقتده بر موازنه عموميه قانونى واردر . موازنه عموميه قانوننده هر سنه اهاليدن تحصيل اولنه جق پاره (ت)

جدولیه تصریح و تعداد ایدیلر . بونک مستدایه
 قانونمیدر ؟ قانون موقتمیدر ؟ اولری اوراده کوسترر .
 بناء علیه ؛ اليوم تطیق اولتقدمه اولان بوتون ویرکولر
 موازنه قانونیه تصدیق ایدلشددر . بوندن غیره ، یاییلان
 تحصیلات قطعياً قانونسزدر . بناء علیه ؛ بوویرکونک
 دوامی دوعضری دکدر . هر حاله اساسک بوراده حل
 ایدلسی ضرورتی وار ، قاعتمدهیم .

معارف و کیلی وهی بک (قره سی) — افندم ؛ ظن
 ایدیورم ، که : علی جنانی بک آرقداشمنزک دیدکبری
 قرارنامه اساسه متعلق دکدر . اوراده ، یالکزر برعنوانی
 کچر . موازنه نک (ت) جدولنده دوام ایدر ، کیدر . اونی
 بزومجلس عالی استانبولک اشغالی تاریخندن مقدم ، صادر
 اولان اوامر و نظامانی تلقی بالقبول ایتشزدر و بونلرده
 اومیانده در . ایکنجی درجه ده بومصارف مجبوره ..

حاجی مصطفی افندی (آقره) — شومذاکره
 بوشه کیدیور . بونک اساسی مذاکره ایدلم اوندن
 صکره ...

معارف و کیلی وهی بک (دوامله) — بونک یرینه
 قونه جق شیلری بوراده مذاکره ایله حل ایتمه نک امکانی
 یوقدر ..

حاجی مصطفی افندی (آقره) — یوق ، بیلدیکلر .
 مزی سویلرز . احتمالکه ، تلقی بالقبول اولور .

وهی بک (دوامله) — سبی ؛ بلکه بعض آرقداشلر من
 ویرکولرک اوزرینه ، اغنام ویرکوسنک ، بیلمم مسققات
 ویرکوسنک اوزرینه ضم تکلیف ایده جکلردر . بوتون بوضام
 نرم نظامنامه داخلی مقتضاسنجه موازنه مالیه انجمنلرینه
 کیده جک ، بوضروریدر . هیمزک حرمت ایتدیکمز
 نظامنامه داخلی بویه دیور . بو اورایه کیدوب اوراده بواساسات
 حاضر لاندقدن و بالریاضی تدقیق ایدلکدن صکره
 ایدیه کلکده اولان بومعاملات بوجهی تأمین ایده جکمیدر ؟
 ایتیه جکمیدر ؟ مجلس عالی نک آرزو ایتمش اولدینی شی
 بوملکتمده هر کسک او قویوب یازمق بیلمسی مسئله سیدر .
 بناء علیه ؛ بو یولی بولدقدن صکره مجلس عالی نک وقتی ضیاعه
 اوغراعه مق لازمدر .

رئیس — افندم ؛ مساعده ایدر سه کز مسئله نی

تکرار عرض ایتمک مجبوریتدهیم . بز ، بونی مذاکره ایتد .
 یکمز زمان البته بو تکلیف قانونینک هیئت عمومیه . نی
 مذاکره ایده جک ایدک . حکومت نامنه معارف و کیلی وهی
 بک چیقدیله و معارف و کالتی نامنه بو یوریلر ، که : بوقانونی
 قوانین مالیه انجمنه حواله ایدلم ؛ اوراده برکره دهاندقیق
 اولنسون . اوندن صکره بورایه کلنجه طیبی رأی عالیکنزه
 وضع ایتمک ایجاب ایدر . معلوم عالیکنز بوندن بر مسئله
 مستأخره چیقدی . بنده کنزه اولیه کلیور ، که : بو ، اصول
 مذاکره یه عائد بر مسئله در . اکر هیئت علیه قبول بو یور .
 مازسه بوراده هیئت عمومیه سنی ، مذاکره ایدرز . شمده
 رأی عالیکنزه وضع ایدیورم . اکر قبول ایدلر سه ؛ مذاکره یه
 دوام ایتمک مجبور قاله جغز .

تخصیص بک (ازیر) — بوقانون تعدیل و قبول اولنجه یه
 قدر اون بشنجه ماده تطبیق ایدیه جکمی ؟

رئیس — اونی سو بیلدیلر . طیبی تطبیق ایدلمکده
 دوام اولنه جقدر . شمده افندم ؛ بومسئله صرف ویرکویه
 متعلق اولدینی ایچون ، بو یور یورلر که برکرده موازنه
 انجمنه حواله ایدلسون . طیبی معارف و کیلی بک حقلری
 واردر . (کورولتیلر) مساعده ایدیکز . بولایحه ویرکویه
 متعلق اولدینی ایچون مطلقاً قوانین مالیه و موازنه مالیه
 انجمنلرندن کچه جکدر . فقط هیئت عمومیه نک مالی اولدینی
 ایچون رأیکزه عرض ایده جکم . قبول ایدیلر سه ، کونده .
 ریرم . قبول ایدلر سه ، هیئت عمومیه ده مذاکره سنه دوام
 ایده جکمز .

افندم ! بومسئله نک بردفعه قوانین مالیه و موازنه
 مالیه انجمنلرینه کیتمسنی قبول ایدنلر لطفاً ال قالدیرسون !
 افندم ؛ اکثریتله قوانین مالیه و موازنه مالیه انجمنلرینه
 حواله ایدلشددر . شمده افندم ؛ بونی موجود ققریرلرله
 برابر کوندره جکمز . چونکه ، بونلر ، بوراده اعضا
 کرامتک افکارینک دلالت ایتدیکی شیلردر . اونک
 ایچون ، بونلری ده کوندره جکم .

آماسیه استقوال محکمسی ایچونه انتخاب :

رئیس — شمده افندم ؛ معلوم عالیکنز ، برنجی
 جلسه ده عرض ایتدم : آماسیه استقلال محکمه سنه بر اعضا
 و بر رئیس انتخاب بو یورولسنک ایکنجی جلسه یه تأخیر نی

(روزنامه مزده نه لروار ! سملری)

رئیس — عرض ایدهیم . معلوم عالیکز ، بو کون روزنامه به آلتان استخلاص ایدیلن مملکتلر اهالیسنه معاونت اجراسنه دا تر لایحه قانونیه وار ، صکره مطبوعات بودجهسی وار ، صکره بونلردن آری اوله زق ، دمین برشیته قرار ویرلمشدی . ممالک مستخلصه حقنده کی قانون یارین حاضر لانه جقدر . بونک ده بازار ایرتسی روزنامه سنه ادخالنه قرار ویرلمشدی . بونلرک هپسندن باشقه بر مسئله دها وار ، که : بوندن اول مجلس عالیکز قرار ویرمشدر . هفته ده بر کون — که بازار ایرتسی کونلری — مذا کره سنه قرار ویردیکنز هیئت وکیله نك وظیفه و مسئولیتی حقنده کی لایحه قانونیه وار .

طونه لی حلمی بك (بولی) — خایر ، خایر مملکت خراب اولمشدر .

رئیس — بونلر بازار ایرتسی روزنامه سنی احتوا ایدن مواددن عبارتدر . نومرو صره لرینی بازار ایرتسی کونی تعیین بو یورورسکز ، اوکا کوره مذا کره ایدرز . اقدم ؟ صورت مخصوصه ده — اونو تدم — عرض ایدهیم : بازار ایرتسی کونی صحیه وکالتی اتخانی ده وار .

ختم مذا کرات
دقیقه ساعت
۰۰

اجتماع آنی روزنامه سی

۱ — ضبط سابقه خصوصیه سی :

۲ — اوراق وارده :

بالتفخانه نظامنامه سنك تعدیلی حقنده اجرا وکیللری ریاستندن مورود لایحه قانونیه

خیانت وطنیه مجرمینندن بر قسمنك عفوی حقنده کی قانونك تفسیرینه داتر اجرا وکیللری ریاستی تذکره سی

عسکر فراریسی اولان مأمورلره معاش ویریلوب ویرلیه چکنه داتر اجرا وکیللری ریاستی تذکره سی

طر بزون هیئت تحقیقه سنك حرکت ابتدیکنه داتر اجرا وکیللری ریاستی تذکره سی

ارکان حربیه عمومیه قراواکهنك سیار قرارکا هندن عدی حقنده کی تفسیرك بر آن اول اتناخنه داتر ارکان حربیه عمومیه

رئیس فوزی پاشادن مورود تلفراف آفیون قره حصار و طولمی بیکار محارباننده یاراراننی کوریلن

قبول ابتدیکز . شمعی بونک اتخابانه باشلا یورز . (اکثریت یوق سملری) اقدم ! اکثریت اولوب اولمادینی یوقلمه ایله آکلاشیلور . یوقلمه پایورز ؛ اقدم ؛ رجایدرم ؛ اسملریکنز او قونه جقدر . شمعی اسملری او قومه باشلا به بیلمی یز ؛ (های ، های صدالری) بک اعلا اقدم . (رأیلر طوبیلانندی)

رئیس — اقدم ! رأی ویرمه یین آرقداشلرک اسملری تکرار او قونه جقدر . (او قوندی) اقدم ! استحصال آرا ختام بولمشدر .

[عثمان بك قیصری ، حامی مصطفی افندی آنقره ، علی حیدر بك ایچ ایل ، تصنیف آرایه مأمور ایدلدیلر .] اقدم ! تصنیف آرا نتیجه سنه قدر ، جلسه یی تعطیل ایدیه یورم .

ختم جلسه

دقیقه ساعت

۳۰

بشنجی جلسه

بیر ا مذا کرات

دقیقه ساعت

۴۰

[رئیس — رئیس ثانی عدنان بك افندی]

کاتب : حقى بك (وان)

رئیس — اقدم ! جلسه یی کشاد ایدیورم . تصنیف آرانك نتیجه سنی عرض ایده چکم . ۱۵۱ ذات رأیه اشتراك ایتمش اولدیغنه کوره ؛ نصاب اکثریت یوقدر ، معامله تمام اولما مشدر . یعنی مجلسده اکثریت اولمادینی آکلاشیلور . ۵۹ رأی امین بك جانبك ، ۵۷ رأی حیدر بك ایچ ایل آلمش وسائر رأی آلان آرقداشلر مزده واردر . بناء علیه ؛ یکیدن اتخاب لازمدر .

صلاح الدین بك (مر سین) — مستسکف نه قدر ؟ رئیس — سکسان !

صلاح الدین بك (دوامله) — دیمك کیمسه ایستهمیور . رئیس — اقدم ! بنده کز او معنایی ویرمك

ایستهمیورم . مجلسده اکثریت اولمادینی آکلاشیلور . بازار ایرتسی کونی اجتماع ایتمك اوزره جلسه یی تعطیل ایدیورم .

انتخابات :

تخلال محکمه سی رئیس و مدعی عمومی انتخاباتی
 آماسیه اسند
 صبحه وکیلی انتخاب
 ایدیله جک مواد
 لیقنه داتر لایحه قانونیه
 مذاکره
 هیئت وکیلک و وظیفه و مستو
 مطبوعات بودجه سی
 سیویل اطبا و بیطرلر قانونی
 آنقرده بر استقلال محکمه سی کشادینه داتر
 سروج قائم مقام سابق احسان بک حقنده کی مضبطه
 قنارلر اداره سی حقنده کی لایحه قانونیه
 ممالک مستخلصه اهالیسنه معارنت اجراسنه داتر لایحه
 قانونیه

کالی

ضابطه نك تقدیرنامه ایله تلطیفکاری حقنده مدافعه ملیه ر
 تذکره سی
 قوانین مالیه انجمنی کاتبلیکنه مازدین مبعوثی نجیب بک
 انتخاب اولندیقنه داتر تذکره
 ظفر تبریکنامه لری

مضبطلر :

ملاطیه ده کی اتحاد و ترقی قلوبی حقنده قوانین مالیه انجمنی
 مضبطه سی
 اداره خصوصیه لره عائد اعشار حصه اعانه سیله کسورات
 منضمه حقنده موازنه مالیه انجمنی مضبطه سی
 سفری ضم قانونک تفسیرینه داتر قوانین مالیه انجمنی
 مضبطه سی
 حیوانات بقریه اخراجاتک منی حقنده کی لایحه قانونیه به
 داتر اقتصاد انجمنی مضبطه سی



